

Juta Nymerohpyry sero

Sero pape tymerose Juta a. Jezu akorõme kynexine ynororo. Tynmerohpyry sero taropose eya Jezu enetupuhnanõ neneryme emero pata tõ po.

Tynmerohpyryae ynara äko mana, “Imehnõ azahkuru exiketõ mynyhpäkapoko Jezu poetoryme osekaryhtao eya xine repe, yrome Jezu sã pyra tyrypyrykõ poko ro tahtao xine. ‘Otara kara,’ äko toh mã repe, yrome popyra mã toto ipunaka,” äko mana.

¹Ynmerohpyry moro onenerykõme. Ywy ase Juta, Jezu Kyrixtu poetory. Tiaku akorõ ase roropa.

Tymenekase matose Ritonõpo a typoenõme oehtohkõme. Kumykõme nymyry mana. Opyno xine mana ipunaka. Jezu Kyrixtu roropa oewomatorykõ mana popyra oripopyra xine imehnõ ehtohme.

²Ynara äko ase Ritonõpo a opoko xine, “Kure rokẽ opoenõ tyriko Papa. Torëtyke pyra tyriko toto. Imehnõ pyno tyriko roropa toto ipunaka,” äko ase.

Zae pyra amorepatõkõ poko, ajohpäkõ poko

³⁻⁴Wekyry tomo, opyno xine ase. Apitoryme pape merory se exiase kukurâkatopõpyrykõ poko. Yrome Ritonõpo se pyra exiketõ xiaro. Omatome tooehse toto. Ritonõpo omiry kurã Jezu Kyrixtu poko tyorõmäko mã toto. “Kure kyyrypyrykõ poko ro kuahtao xine,” äko toh mã repe. Ajohpe rokẽ mã toto morara karyhtao eya xine. Tyrypyrykõ poko toto. Jezu Kyrixtu rumekäko roropa mã toto. Toiro Jezu Kyrixtu mana Kuesëkomo, Kypynanohnekomo. Yrome, “Yna esë kara mokyro,” äko mã toto, ise pyra toexirykõke. Pake mokaro wãnopry poko tymerose Ritonõpo omiryne.

⁵Morohne waro matose repe. Yrome owenikehkaporykõ se ropa ase. Pake Izyraeu pary tõ typynanohse Ritonõpo a. Ejitu poe tarose toto eya. Moraramenonetupuhpynõ tonahkapose ropa eya. ⁶Wenikehpyra ehtoko roropa Ritonõpo nenyohytä poko. Toitoine mokaro imehxo toexirykõ se toehse. “Ritonõpo sã orëpyra sytatose,” tykase toto ajohpe. Ritonõpo ime exiry typoenohse eya xine. Morara exiryke mokaro ëmäko Ritonõpo mana etuarimatohtaka. Ketike sã tymyhse mã toto jüme xinukutumao. Tütara mã toto apiakatohtkonõtoeraximatohme toto a. Tooehse ropa Jezu ahtao, “Popyra matose ya,” äko mã eya xine. Wenikehpyra ehtoko mokaro poko, Ritonõpo ime exiry poenohnanõ

poko. ⁷Wenikehpyra ehtoko Sotomapōkō poko, Komorapōkō poko roropa, imehnō pata pitikopōkō poko roropa. Morohne patapōkō popyra toehse tyrypyrykō poko xihpyry, Ritonōpo nenyoytā iirypyrymākō samo. Imehnō nohpo poko toehse toto, imehnō ryhpopākāko roropa. Naeroro Sotomapōkō tuānohse Ritonōpo a. Etuarimāko mā toto jūme apotoimo htao, imehnō zuaro ehtohme iirypyrymākō wānopyry poko Ritonōpo a. Moro poko osenetupuhtoko.

⁸Mokaro oehsenākō oya xine pakatokō sã roropa mā toto.

Tōsenehtopōpyrykōae ro tamoreme xine tokokō poe iirypyryme exīko mā toto. Ritonōpo imehxo ehtoh eunohnōko mā toto, aomiry se pyra toexirykōke. Tuisa tō kapuaōkō poihtōko roropa mā toto. ⁹Mokaro sã pyra Mikeu kynexine, Ritonōpo nenyokyhpyry tuisamehxo exikety. Joroko tamuru maro tōsezusezuhse toto Moeze ekepyry poko. “Onoky Moeze ekepyry zonēnōko nae? Ywy,” tykase toto. Yrome joroko tamuru onypoihtopyra Mikeu kynexine. “Xihpyryme mase,” kara tokurehse ynororo. Ynara rokē tykase, “Kuesēkō ourūko mana,” tykase. ¹⁰Yrome mokaro Ritonōpo se pyra exiketō mā imehnō poihtōko mā toto, onenetupuhpyra toexirykōke. Tamoreme tuaro mā toto onokyro samo. Naeroro zuaro toehtohkōke osenahkāko mā toto. ¹¹Imehnō motye etuarimakehpyra toh mana. Kaī ehtopōpyry sã toehse mā toto. Tyrypyry onykorokapopyra tokurehse ynororo. Mame azahkuru kahpyry se rokē toehse toto, tineru apoitohme tyya xine, Paraão ehtopōpyry samo. Ritonōpo omipona pyra toexirykōke, Kora ehtopōpyry samo, osenahkāko mā toto. ¹²Toiparo rokē oximōnōko mā toto amaro xine Jezu orihetopōpyry poko osenetupuhtohme. Kamisa xikuromā sã nuriame mā toto arānao xine. Eukuru poko emotyēkāko mā toto. Etŷnōko mā toto imehnō neneryme. Yrome ehxiropyra mā toto. Osepyno rokē mā toto. Akurū sã mā toto konopo pyra ahtao. Tyryrykane a akurū aroarory sã mā toto. Toiparo rokē tyotytōko mā toto. Epery zoko sã roropa mā toto topere pyra tokurehse ahtao. Kure ehtoh poko pyra mā toto. Wewe orihēs sã roropa mā toto imity maro touhpyry samo. ¹³Pohkane konōto sã roropa mā toto tuna konōto kuaō samo. Ātaryka arōko pohkane, isawā xikuromāko. Moro sã mokaro rypyry osenēko. Xirikuato tyotytoketye toehse ahtao, moro sã mā mokaro exīko. Toto esary menekāko Ritonōpo mana, mya xinukutumao, jūme toto ehtohme moero.

¹⁴Pake mokaro poko tōturuse Enoki. Ritonōpo poe urutōme Enoki kynexine. Atāo paryme roropa Enoki kynexine. Ynara tykase ynororo, “Enetoko ke Kuesēkō oehnōko mana tynenyoytā tuhākō maro. ¹⁵Seropōkō emero apiakase oehnōko mana. Iirypyrymākō wānohnōko roropa mana tōmipona pyra toto exiryke. Toto nyrytā xihpyry ehepyryme toto wānohnōko mana. Toto omihpyry xihpyry ehepyryme roropa toto wānohnōko mana,” tykase Enoki pake Ritonōpo poe.

¹⁶Mokaro Ritonōpo se pyra exiketō mā epyrypāko mā toto kokoro rokene kure toexirykō poko. Imehnō kerekeremāko kahpyry mā toto. Toto hxirōko roropa mā toto. Typenetatohkō xihpyry poko rokē mā toto. Imehnō poko epyrypāko roropa mā toto tōmipona toto ritohme.

Tuaro ehtoko, tomeseke ehtoko

¹⁷Wekyry tomo, mokaro sã pyra matose. Pake tamorepase matose Kuesêkõ Jezu Kyrixtu nymenekatyamo a. ¹⁸Ynara tykase toto oya xine Kuesêkõ omi poe, “Imeïpo sero etyhpory po imehnõ oehnõko oya xine mana. Oeunohtorÿko mã toto. Typenetatohkõ poko rokẽ mã toto. Atahmãkãko roropa mã toto Kyrixtu oepory ropa poko,” tykase. ¹⁹Mokaro Ritonõpo se pyra exiketõ Jezu poetory tõ oxiehno tyrïko mã toto osepeme pyra toto ehtohme. Ritonõpo zuzenu maro pyra mã toto. Typenetatohkõ poko rokẽ mã toto. Ritonõpo omipona pyra mã toto. ²⁰Yrome, wekyry tomo, Jezu tonetupuhse oya xine oesêkõme. Itamurumehxo enetupuhtoko seromaroro. Emero motye kure Jezu enetuputyry mana. Ritonõpo zuzenu kyjamihtanohtorÿko mana. Naeroro oturutoko Ritonõpo maro ijamitunuru ke. ²¹Penekahpyra ehtoko Ritonõpo omipona oexiry poko. Kypyno xine mana ipunaka. Kuesêkõ Jezu Kyrixtu oepory ropa eraximatoko. Kuarotorÿko mana tosaka tymaro kuehtohkõme jũme.

²²Toitoino Jezu poetory mãsa rokẽ enetupuhnõko mã toto. Ynara kahtoko eya xine, “Mãsa rokẽ pyra, yronymyryme Jezu enetupuhtoko,” kahtoko eya xine. ²³Toto ipynanohtoko, apotoimo htaka ytopyra toto ehtohme. Apoto htaka aepukahpyry anymyry sã oya xine iirypyrymãkõ ipynanohtoko. Tomeseke roropa ehtoko toto pyno awahtao xine, oorypyrykõ poko pyra oehtohkõme roropa, toto sã pyra oehtohkõme.

Kure Ritonõpo ekarõko

²⁴Kypynanopyrykõ waro Ritonõpo mana, kyyrypyrykõ poko pyra kuehtohkõme. Kuarotorÿko roropa mana tosaka jũme tymaro kuehtohkõme. Kurãme kyritorÿko roropa mana, iirypyryme pyra tãkye kuehtohkõme tymaro, imehxo exikety maro. Morara kure kuhse mana. ²⁵Ynoro rokẽ Ritonõpome mana. Imepÿ pyra mana. Kukurãkanekõme mana Jezu Kyrixtu tonetupuhse kyya xine exiryke Kuesêkõme. Naeroro, “Emero motye kure mase,” sykatone eya. “Emero motye tuisamehxo roropa mase. Emero motye õmiry jamihme mana. Yna esẽme imehxo mase,” sykatone eya. “Moino ro morara mexine. Morararo mase seromaroro. Kokoro rokẽ morararo mase exikehpyra jũme,” sykatone eya. Enara.